

廣德州志

230.115
134
216

廣德州志卷四十七

藝文志

詩

書目

詩

送韓侍御之廣德令

唐李白

昔日繡衣何足榮今宵貰酒與君傾暫就東山賒月色酣

歌一夜送泉明

李太白集

送五經趙隨登科授廣德尉

韋應物

明經有清秩當在石渠中獨往宣城郡高齋謁謝公寒原

止蕪漫

漫一作沒

夕陽自西東秋日不堪別淒淒多朔風

韋蘇州集

廣德州志

卷四十七

詩

送屯田王渙出守廣德

宋梅詢

家山東畔古桃州往歲分符作勝遊碧瓦萬家烟樹密清

溪一道瀑泉流簞欹郎埠冰生枕茶煮鴉山雪滿甌我有

集仙經始在勞君一到為重修

楊志

閒詠

查深

門外聲聲叫賣魚囊空不問價何如磁盆昨夜黃齏熟淡

飯時光樂有餘

李志

送倪巨濟將仕

韓駒

汴流六月翻黃沙小舟兀浪如乘槎赤日下照烘朝霞腹

鳴肩舉氣喘呀夜眠僕夫股相加
拖樓晨飯羹黃茹時時
矯首望土岸木末殷轉江洲車渴逢石泉不得汲
椎鼓催發無停搗問君何爲趣還家答云五載居京華
夜牕讀書眼生花每食不飽潛咨嗟母髮半白弟髻丫
有妹久闕躬絲麻寄書細字如昏鴉問胡眷戀歸期賒
來時書笈手自拿今歸上堂兩脚靴壽觴要及開霜瓜子志如此良可喜
勸子博學如橫置麋麟兔鹿盡所遮或典而法浮而葩要
歸於正謹去邪行如種植慎萌芽念當務實勿求誇我行
買犢耕三巴佇子佳譽來天涯

陵陽詩鈔

廣德州志

卷四十七

詩

二

次韻毛達可給事秋懷念歸

倪濤

結茅遠人村破屋水半扉涼葉墮清響空山轉斜暉
微官臥江漢素心久依依十年天涯秋搖落幾芳菲
馬蹄歲月去蝶夢東南飛平生邱壑志有言輒乖違
不如孤征鴻春風自知歸

宋文鑑

建平途次

張耒

野橋田徑滑官路柳條新流水伴遲日野花畱晚春
點空知去翼衝綠有歸人自笑諳岐路無勞更問津

宛邱詩鈔

入建平界

楊萬里

渠水南頭接建平了頭兒子便勤耕踈麻大豆已前輩蕎麥晚菘初後生席卷千山爲一圍天憐春種賜秋成不如

老圃今真箇樊子何曾透聖局誠齋江東集案是時發孔鎮趣池州有問知桐汭

多程在未說宣州與貴池之句又有董家店謝家灣等詩茲不具錄

道經廣德喜晴

祠山事要作祠山感晴

王十朋

秋風吹客過祠山水出平原礙往還呼吸雨暘神有力掃

除雲霧見天顏萬歷志事要云乾道三年待制王公過廣德連雨不止太守迎王像于廳事即日

晴遂留詩刊石於廟

送曹大著知廣德軍

文天祥

廣德州志

卷四十七

詩

三

暫屈瀛洲客來臨汭水民山川歸史記岳牧屬詞人館舍

朋簪舊都門祖帳新儒林官可紀何止吏稱循文文山集

過廣德

元貢奎

黃塵鞍馬夕陽邊不到桐川十二年萬事只多新白髮虛

名何日賦歸田雲林集

次韻答殷德儒

韋仲敬

道情濃處宦情賒甘向林泉老歲華丹桂月中思夢杳彩

衣堂上寤言嘉漫勞帝里三天詔枉顧尋常百姓家萱草

有恩酬不盡無心去觀紫薇花是詩得之陳茂才錫範云是故貢生漢易慎所錄殷

德儒乃奉使來聘者作詩勸行韋因答之如此慎好蓄書惜厄於火畱傳或有所據存之

幸祠山

明太祖

天下英靈第一山白雲為闕石為關高堂近斗當空出老樹如龍挾雨還兵革屢經香火舊鬼神常護道人閒從軍幸得來瞻此揮指干戈動笑顏

祠山事要下同

幸橫山

巍巍高聳碧雲間上有禪僧悟透關禮斗臺前真勝境快吾登眺得江山

題米敷文煙巒晚景

明錢用壬

廣德州志

卷四十七

詩

四

江上亂峯生暮烟隔江遙望水雲連西風戰艦今無數不

見米家書畫船

明詩綜

次韻過建平縣

高啟

縣雖三戶小地僻罷兵防茶市逢山客楓祠祭石郎雲埋鳴澗斧沙膠度溪航應愛青山好經過駐旅裝

富青邱集

寶慶憶桐川

錢魯南

茅茨結構在桐城南望笄峯列畫屏二十餘年歸未得故

鄉山水總關情

楊志

遊麻蕪菴

楊志蕪作巵誤

馬叔山

杖藜乘興到僧房不怕石頭來路長龍吐溼雲供水墨鶴
聽寒澗辯宮商江山無恙人先老歲月相催客自忙惟有
梅花還識我相逢猶作昔年香

萬歷志
下同

到廣德紀事

周瑛

馬蹄六月到山州獨上桐川第一樓城上有山皆北向郡
中無水不西流士風質樸猶存古民俗蕭條欲近秋多少
濟時心上事夜來獨與鬼神謀

戒溺女歌

虎狼性至惡猶知有父子人爲萬物靈奈何不如彼生男

廣德州志

卷四十七

詩

五

與生女懷抱一而已生男旣收養生女顧不舉我聞殺女
時其狀苦難比胞血尙淋漓有口不能語伊嚶盤水中良
久乃得死嗟吁父子心殘忍一至此我因訓吾民毋爲
其女荆釵與布裙未必能貧汝隨分而嫁娶男女得其所
此歌散民間萬民當記取

祭王脩撰墓

楊樸

祠山東麓翰林墳烟草離離對夕曛往事何人持定論表
忠無石勒遺文夷齊就死今高節王魏偷生孰數勳我黍
守桐來拜禮一卮清醑薦香芹

出郭省耕

龍大有

自慚長日簿書忙出郭南行試省方象外有天皆化育眼中無地不耕桑閭閻布密風烟接松竹高深歲月長信是堯天多雨露先從畿甸及遐荒

九日登高

鄒守益

凌晨採菊橫山上呼酒高歌對臥龍野曠千峯收宿霧秋高萬籟動天風榮名不耐霜前葉嘉會無常雪上蹤一醉未須辭日暮中天明月興無窮

宿陳村

廣德州志

卷四十七

詩

六

衝雨宣城路正悠野人相對泣無秋吞蝗擬為吾皇獻却虎先懷漢吏羞欲賑流亡誰上策預聞水旱是先憂空堂獨對燈花笑早向三江理釣舟李志

復初書院會集同志次東廓丈原韻

二王

畿

咄哉下里曲陽春和應寡鍾期去不還誰是知音者千里孰云遙毫釐辯真假適冀須北轅凌晨策吾馬

策馬欲何之抗志在雲表長風掃重陰熾然白日皎虛堂開清讌喬林集黃鳥緬懷復初君高閣鐘聲曉龍溪集

廣德道中

唐順之

蒼山百轉見炊烟茆屋高栖古樹巔細雨薜蘿侵石逕深
秋秔稻滿山田雲中望影迷遙岫草裏聞聲覺暗泉儻遇
秦人應不識只疑誤入武陵川明詩鈔

自廣德之宣州

張佳允

赤日發桐汭東風與客西松濤時在耳竹樹自成蹊閭巷
猶吳語提封漸宛溪看山懷謝朓心已敬亭棲岷嶽山房集

送鄺和仲之任廣德

梁有譽

公車待詔幾經秋桐汭今乘五馬遊烽火頻年堪涕淚循
良此日慰誅求山連白日橫朝靄溪下丹陽急暝流如此

廣德州志

卷四十七

詩

七

風光殊不惡相思吾倚仲宣樓蘭汀存墓

宿沈羽士山房

二首錄一

沈懋學

采得瓊芝滿袖回千林明月浸瑤臺夜深天頂雲璈集疑
是仙人駕鶴來桐山事要

劉在南直指遷郴州余亦謫守廣德同發潞河投贈

鍾庚陽

繡衣使者下蘭臺愁說雙旌潞水開自是聖恩寬逐客却
從謫宦見仙才山過衡嶽孤帆轉路入瀟湘雁影回余亦
南行賦歸去秋風天末幸追陪明詩總

東坻

李徵儀

危崖百轉見炊烟，茆屋斜懸古樹巔。
小徑欲迷青嶂合，層巒中斷白雲連。
人歸竹塢團空翠，風入松枝吼瀑泉。
猿鶴不須嫌俗客，巢由今辦買山錢。萬曆志

附題祠山

桂英

嶙峋古殿云祠山，法界啞啞鳥語閒。
挾鶴偶來尋勝迹，白雲蒼檜鎖元關。

祠山事要案事要稱是女仙所題附錄于此

送秦廣德石林詩

時言及建平袁開甫先輩

國朝施閏章

五馬莫踟蹰，春雲滿路隅。川原入桐汭，風俗近姑蘇。
田稅

廣德州志

卷四十七

詩

八

蠶桑足，衙齋魚鳥俱。北山有耆舊，還肯式廬無。施愚山集下同

嚴奕肯令建平

鯉河仙客愛滄浪，清澗春流遶縣長。
入境野田多秣稻，近

吳風俗半蠶桑。雉馴原溼依人慣，花滿山城拂綬香。
握手

青門情倍切，敬亭百里正相望。

懷耕巖先生此時遠跡黃山

甯時

白下還應白水興，黃峯老却黃陂人。
會稽不出雙齒屐，梁

甫徒爲一膝吟。敢附聚賢太史奏，誰當高士少微星。
愚生

騰躍蓬蒿側，小飲狂呼空外聽。李志下同

過節義溪

溪名節義溪節義人何代碑字有無間潺湲流水在嘉名
久已付溪流畱得溪聲為感慨人生誰似水多情驅車有
淚空盈帶

廣德州

查慎行

山勢豁一州中央據衍土地當江浙會開拓自洪武長興
環其東外捍等干櫓西南界宣歙兀突重巖附長江乃北
門集慶倚堂廡當年耿鄧功拱翼事真主張吳勢雖偏力
絀不得取時危有鬪爭事往失險阻如今城下路日夜走

廣德州志

卷四十七

詩

九

商賈獨有好事人登城尙懷古

敬業堂集

萬桂山

趙嗣晉

笄雲挹秀講堂開輪奐重新紫氣來山色平臨依萬桂天
香縹緲接三台凌雲置屋傳宗匠向月攀花起俊才願得
從公同戾止橫秋一覽遍崔嵬

李志

送陳昭遠之官建平

查嗣琛

朋遊每喜聯京洛聚散無端又雪泥酒入鄉音方暖熟詩
當別語忽酸嘶官清何必辭彭澤家近真如乞會稽滿眼
桐山一甌雪使君風味想郎溪

查浦詩鈔

自四安至廣德州次雪坡韻

汪森

舍舟登陸任崎嶇下阪車輪聒病夫錦樹經霜明遠岫黃泥過雨漲危塗窮村湧價鹽爭販旅館驅愁酒待沽明發宛陵山色近都官詩律可追無小方壺存藁

題東臯草堂

外祖夏子蘭公別業余姊丈思周徙居於此

甯謙

林破遠山在沙遷曲水來獻酬新酒掃俯仰舊亭臺未盡晴飛絮方多雨熟梅能令幽興發更覺道心開留餘堂稿下同

悼愚谷叔十二首錄二

未能樂志課樵漁又向鄣南一角居多病自應常辟穀何

廣德州志

卷四十七

詩

十

門不可任曳裾王孫舊約郵筒信束翠新阡絕筆書無限

交情生死見莫將斯道付空虛

先生遺命欲舉葬又自卜墓地山名束翠

悲歌會和玉蟾翁家世田園雨後虹伏櫪未能消壯志揮

毫直欲振宗風光埋寶氣思龍劍調絕朱絃撫爨桐便枕

指南歸地下誰呼豎子問英雄

先生有和玉蟾悲歌六闋又遺命以文山指南集殉

葬

弔查道源先生

周在建

白雲揜蓋凍雲平酬酒披襟感慨生理學自能垂宇宙文章何必在簪纓勉將大業傳衣鉢肅拜高風悵老成爲覓

後昆期繼志書香欲待續家聲

李志

南山紀遊

自葛村而上石佛筭峯郭嶺笏村
踰亭子嶺直下爲高勒馮姓所居

李仁曾

巨靈擘天險鬼斧斲神山平生邱壑姿登臨性所甘茅簷
千萬疊蒼翠望難攀朝來撰杖履浩乎吾道南平疇十餘
里流泉八九灣茲晨入夏初適體猶春衫林麓抱村墟棟
花正豔髮陡然石壁根聳立開重關其上有石佛其下水
潺湲予時舍籃輿降陟忽趨趨仰見藤蘿陰窪然一古龕
危稜森欲墮險勢何由環過此愈奇詭縱亂不忍刪峯或

廣德州志

卷四十七

詩

十一

削而秀岫或麓而頑或如青芙蓉或如碧玉簪或圓若盂
磬或虛若瓶甌卓立或成屏斜矗或成髟聯翩或舉袂皺
摺或張帆或如數老人烟霞共笑談或如幾猿猴攫拏飮
饑饒筭峯冠羣立厥象何端嚴咫尺袖堪把欣慰扃襟顏
已近忽引去怪事誠難參寧知眼前一幻作海中三恟恍
昧茲理迷離方所患再進詫九疑峯峯各不凡乍接領其
要畧窺見一斑新篁攢嫩綠野花襍朱黓發石定織鱗依
空立澄潭行行稍紆曲數武蟠弓彎厥姓爲郭嶺途人指
其間井壁瑩若砥得句工可剗庶以傳勝事免貽林淵慙

千載贈來者剝蝕不愁蟬惜無柳柳州同此榮幽巖僕夫
心太息憐余足力孱笑指烟巒頂隱有一慈菴直上三百
仞錯趾無停驂揮汗息微喘鼓勇奔磨巖解衣坐風亭四
面圍煙鬟應接真不暇力疲心轉閒靜極聞鳥響屋角翔
松杉怪禽嘯鸞魅鶯語溜綿蠻梵宇分兩楹雙栖燕呢喃
縱步出林際平覘天蔚藍迴顧所來逕村居俯一蝸峯顛
數石筍睥睨誠亦憨髻者優婆夷禿者老瞿曇所以無知
物遂爾蒙嘲訕沉陰造化巧產此或踰閑下嶺得憩息百
室盈闐闐曉确上天梯欽崆匝地環水以待人春石以待

廣德州志

卷四十七

詩

七

人跼親戚悅情話童叟劇笑謔陰霾失前嶺雨過吐晴嵐
雲洞合膚寸仙牛跡欲泮愛此山色濃不辭村醪醺稍俟
秋興佳巍峩擬盡探昨從地底望今向雲中還要與山靈
盟一破太古慳

篆香集

登石臼山絕頂

在州南三十里

濮陽模

危峯插碧霄山骨瘦如削白雲帽其巔萬山拜其下試問
採樵人遊屐從來寡但傳父老言上有圍碁者聞言喜且
驚中心同奔馬迫欲從之遊乘危身可捨崎嶇巖莽間路
從猛虎假陰洞雪未消沒脛難容跣攀藤首倒垂踏蹬手

同把進退稍踈虞骨肉將成鮓誰知濟勝奇捷若猢猻野
絕頂不見人撲面清風灑狂嘯問青天青天何乃啞題詩
石崖邊聊借松枝寫不效韓公啼撫掌大嚼嚼仙乎何時
來我今歸去也

集 映劔

關門石

在烏石山

濮陽慎

山山自鍵鎖何用關石門造此千仞峻乃知呼吸尊削成
城郭狀湧出青雲根屹立鎮太虛拔起壓厚坤浩浩長風
迴森森慘氣屯秋毫通一徑障隔嚴守關夙聞劔門壯石
角無崩奔彼險力莫讓此險高莫捫何峯無奇特過者爲
廣德州志

卷四十七

詩

十三

討論詩老足未到終古埋煙昏

木魚石

既進關門石石路緣壁上行行數武遙歡喜欲合掌茲非
檀特山乃入非非想不聞念佛聲突見木魚像其廣可數
畝其高可億丈口拆非人功根埋知日長芊芊苔生鱗朗
朗風送響獨峙俯萬山橫陳異獅象一石且如斯高山故
應仰

登石溪天寶峯

峯自名天寶吾來一望收春風飄疊嶂眼界闊神州片石

皆成壁層雲忽結樓振衣長獨坐欲下倍遲留

廣德州志

卷四十七

詩

十四

書目

隋唐以前桐川作者絕少自宋查清容倪玉溪而後著述見於書錄解題經義考及一統志江南統志者班班可考萬歷志雖立典籍一門登記寥寥又皆無卷楊門志典籍目稍增數則李志乃并目刪之矯枉已甚今據各書及現存者詳其卷數畧箋本末名曰書目其未見者尙俟好事者博考焉

宋

春秋經一卷

每事爲一行廣德軍所刊古監本也見陳振孫直齋書錄解題案北宋監本岳相臺刊

廣德州志

卷四十七

書目

五

九經時已不得見故言紹興初僅取刻板于江南諸州視京師承平監本遠甚然則本軍所刊疑卽紹興初監本也但每事一行必是長興舊式甚是寶貴趙希鵠言鏤板之地有三吳越閩也而其精以吳爲最其直重亦以吳爲最今其書早亡幸見于書錄亟首列之

查清容文集二十卷

查深著見明一統志

玉溪集二十二卷

倪濤著曾吉父序見直齋書錄解題宋史本傳作雲陽集明一統志作雲陵集

二十餘卷萬歷志作雲陵集二十卷

何大圭詞

未見案王漁洋精華錄箋註引何大圭小重山詞有東風吹動酒鱗紅之句存以俟考又虞

溪詩話云大圭早年有俊聲其題詠殊有可喜者云云詳本傳

左氏國語畧十卷

見明一統志經義考云佚

左傳國語考異畧三卷萬歷志無卷一統志作者吳三卷今參用之以下並據一統志

資治通鑑事類十卷萬歷志訛鑑為錄無卷

國史要綱二十卷山堂肆考作三十卷萬歷志無卷

桐川集十卷山堂肆考作三卷萬歷志無卷以上俱沈虛中著

李尚書文集二十卷李嘉言著冕明一統志萬歷志首此

清閔集三十卷周承勛著案周氏家乘作二十卷今據一統志

月華山人集二十四卷建平章汝鈞著見通志楊志建平典籍首此

寶章閣遺稿三十二卷梅應發著詳本傳通志無卷

祠山家世編年一卷詹仁澤曾樵編輯廣德橫山神張王事跡見書錄解題

廣德州志 卷四十七 六

祠山事要指掌集十卷三山周秉秀輯祠山舊有事蹟一卷皇甫埏顯應集常安民行狀詹

仁澤會樵世家編年皆紀載神蹟嘉熙己亥秉秀館於郡齋閱顯應集前後不倫遺闕未補世家編次多乖因

作正訛辯之乃序世系封爵祠宇等釐為八卷足資考証宋末板盡燬于兵火元元貞乙未郡人梅應發蒼萃

補續以告詞記祝等文次為二卷附其末其十卷再刻于延祐甲寅明胡屨又梓之至萬歷丙戌吳興周憲

與郡人濮陽椿以舊本存者十無二三矣

濮陽梅所重錄也所敏求記稱原集一世系二封爵次序三顯應事迹四正訛五祠宇六生辰七事始附雜編八威濟侯方使者

明

馬叔山詩集萬歷志無 馬叔芳詩集

呂定菴唱和集建平呂盛著見本傳 西峯疏稿濮陽鉞著鈔本

古本大學註

見本傳無卷下同

訓蒙小學

懷闡思貞集

栗城漫稿

俱鄭相著

詩經明辯十卷

楊志下同

北遊藝草二卷

杜律五言註七言註各二卷

俱建平章傑著門人霍韜序梓行于世

太極圖說

萬歷志下同為太極指掌圖亦無甚精義而云聖人復起不易吾言又自號

案說僅六百言長洲顧九思刊

易吾言又自號太極真儒誇矣

四書貞義

禮記貞義

見經義考

圖書性理訂疑

見通志

元聲韻學大成四卷

俱濮陽涑著汝南吳同春序并自序通志無元聲及四卷字萬歷志無卷

文章規式

巫璋著詳本傳

五瓠山人集

建平宗訓著楊志云璽之子少

廣德州志

卷四十七

書目

七

有異才以詩文著名相府辟召待西苑自序今存目見通志

理學臆言一冊

凡數十則勾餘邵圭序并

義蒼子通志萬歷志

塵外元譚

通志萬歷志同李本傳元作塵

督撫楚臺奏議

通志萬歷志

古今一覽

萬歷志

中丞詩集

通志作李中丞詩文集萬歷志無詩集

中丞文集

萬歷志

與齋集帖

見本傳俱李得陽著

賦閒園集二卷

建平潘嘉著見本傳

禮記哀言十六卷

李天植著經義考載天植與王圻古之賢同官于楚又聘教諭廖自伸等諸生

葉維楨等合輯此書然第為舉子場屋揣摩計於經義初無大發明也萬歷志無卷

摩計於經義初無大發明也萬歷志無卷

葉維楨等合輯此書然第為舉子場屋揣摩計於經義初無大發明也萬歷志無卷

約言編

通志下同

還初集

俱夏思著

病榻遺書

夏良心著 見萬曆志

海防捷錄一卷

楊志下同

字鄒二卷

俱建平呂明倫著 亦見通志

太古遺音二卷

建平岑熙著 見楊志

明史信書

教者

信書逸

案史可法墓誌云擴其靖退恬雅堪維風

鏡古錄

以上據通志 楊志

評閱鴻猷錄

以下據墓誌

文集五卷

諫臺存草

詩集一卷

丁卯吟

瓜荳談

紀神廟時是非之實

續談

紀魏瑄竊柄縉紳得禍之由 俱李徵儀著

禮記主意

王維謨著 見本傳

王謝世家三十卷 譜系三十卷

夏儀評閱西吳韓昌箕參校并題詞

廣德州志

卷四十七

書目

六

經世待問四卷

通志楊志下同

長琴子集二卷

俱建平張元庚著

經世晰疑

楊志下同

性鑑集要

歷代帝王祀議

人物論

私淑祀議

甲子圖

見通志

策學會覽

俱建平姚啟宗著 楊志無卷

永惠亭集一卷

楊志下同

嶺上續稿二卷

羅穎樓稿十卷

言提錄二卷

俱建平黃奐著 通志無卷 楊志云奐為國子生有才有名有晚遊武林集七刻見姚思孝明

詩選

自怡草二卷

建平宗介著 楊志云介字湘嶠

登天啟甲子賢書以詩文著名

蘧菴集二十四卷

戈簡著 見通氏譜

〔通志〕
無卷

問異賦 雲一顯著
見本傳

涵碧樓稿二十卷

建平王際盛
著見〔縣志〕

吟父感遇詩一冊

王日如著
許啟洪序

二可堂集

亦悅居草

俱濮陽長
著見本傳

尚書說

洪範解

論語口授講義

屈辭疏指

俱甯時著
見本傳

國朝

高粱集一冊

海虞朱瞻祖瑯琊王晦為
張希哲編輯頌政詩文

繼眉詩稿

建平夏
璿賜著

朱註發明

廣德州志

卷四十七

書目

九

朱註釋義

朱子本末

俱夏
澍著

潘練江詩稿一冊

潘鼎著馮益
煇序鈔本

易經彙解

增刪古文奇賞

通俗演義

城武邑志

內省錄箋釋一冊

俱趙嗣晉著有吳襄巫楨孫序及自
序〔案〕李志趙傳載所著有內省錄

又載內省錄箋釋今考內省錄係山東巡撫王國昌
著所載居官要畧四十二條康熙三十九年嗣晉宰
城武時奉頒此書為之箋釋付梓其書現存
見于自序甚明今止載箋釋并刪去傳文

周易解

雲軒臣詩稿

張自超序
雲中官著

俱

留餘堂詩稿一冊

甯謙著自序〔案〕謙係隱君時之姪
時嘗選諸門人詩名集曰詩留謙詩

亦在選中後謙白刻集皆詩畱中所未選者
改名畱餘寓不忘其師之意舊志作畱耕誤

備忘錄十冊 李文正著鈔本

古文從吾錄

古詩鼎選 俱雲輝著

栢溪存藁一冊 方穀著鈔本

松巖草一冊 李帶仙著第一卷錄其妻史氏詩詞

映劍集十卷 白門曹庚序

吟弄集二卷 俱濮陽模著

葩經儷語

左氏駢言一冊 俱濮陽樓著書未成

篆香詩集 李仁曾著

見山樓詩集六卷 戈琮著

易經精義

學庸纂要

筠坡詩草 俱沈嗣進著

木齋詩集三冊

廣德州志 卷四十七

書目 三

草心堂集一冊 俱濮陽慎著抄本

桐溪詩稿一冊

北遊草一冊 俱陳錫著

譎好編一冊 孫雲著

夢境覺言一冊 建平接待寺釋守愚著

